

叁

畫家支派與誰評
千古江山付管城
慧水長流清不斷
九龍峯下一鄒生
丙寅秋仲
小山郭一桂



錫山先哲叢刊

恭和御製第二

無錫市圖書館 整理 ■ 鳳凰出版傳媒集團 鳳凰出版社

汲綆齧石甃水旱無盈虧
瀚淪孰探究翼翼漪瀾
山泉何自來涓滴伏岩竇
衆水遜香冽中泠此其



無錫市圖書館 整理
無錫市圖書館藏精品叢書

錫山先哲叢刊

鳳凰出版傳媒集團 鳳凰出版社

總目録

第壹冊

《錫山先哲叢刊》重版弁言	一—二
總目錄	一—二
《錫山先哲叢刊》所收書作者簡介	一—六
錫山先哲叢刊緣起	一—二
無錫縣志	三—三四四
愚公谷乘	三四五—三七八
秋水文集	三七九—四七二
竹籬圖詠	四七三—六一六

第貳冊

錫山先哲叢刊第二輯序	一—四
浦舍人詩集	五—七〇
王舍人詩集	七一—三二八
澹寧居詩集	三二九—五九二

第參冊

錫山先哲叢刊第三輯敘言	一—四
邵文莊公年譜	五—一五二
樂阜山堂稿	一五三—五〇二

第肆冊

錫山先哲叢刊第四輯敘言	一—二
高子遺書節鈔	三—三一六
錫山補志	三二七—四三四

先哲叢刊第三輯敘言

本刊自第二輯出版後在萬數年纔將第三輯刊成其所以遲滯之因厥有三端一以鴻鑑漫遊歐美主持無人二以江浙兵爭工潮迭起三以丁卯改革俞師離滬主校乏人遂致屢印屢停屢校屢輟嗣得秦君平甫任校稿始告竣焉此遲滯出版之原因欲報告社中同人者一也第二輯之刊資由吳松雲先生尤幹臣先生顧彬生君浦醒亞君各捐五十元榮德生君捐一百元楊涵西君捐四十元劉君書勳還書款一百元陶君達三及鴻鑑兩人經售一二兩輯書款七十六元許君溯伊捐張文襄集售款四十四元以及鴻鑑捐一百六十元共七百二十元以結束二輯之刊資此二輯出版之付款須報告社中同人者二也第三輯之付刊本以

邵文莊公年譜錢著金匱補志王著樂阜山房詩集三種合刊嗣以王集頁數太多故將錢志提出留爲四輯之用是以三輯頁數較少刊資亦較減惟款尙不敷甚巨所望社中同人共同設法爲是此三輯付刊情形欲報告同人者三也至第四輯之付刊擬將錢志及許靜山先生之高子遺書節本六卷合爲第四輯以此節本爲靜山先生心精力果有獨到處之作鴻鑑受文伯君賢昆王之雅屬而爲社中同人所贊成付刊是以刊資方面文伯溯伊兩君固願贊助而高印川先生蔡兼三先生亦允協助焉尙祈吾邑同人共襄此輯俾克出版此四輯之待刊欲商榷借助於同人者四也鴻鑑尤有感者際此新邦改造之初舊學凋零而後國故荆榛文獻湮沒一邑文章史志儒書道學之關係吾人視爲命脈所

存者他人或以仁者見仁知者見知之見解視爲可有可無之列
則鴻鑑惟有竭吾力之所能爲刊刷四輯後再不作印刷五輯六
輯之妄想而已地方同人倘有以指教之是所深幸中華民國十
七年秋八月邑人侯鴻鑑敘

子平妹八月邑人劉顯齡始

轉入京縣邑人劉大用入館所次計錄八員為終事中華國十
限劉顯齡有謝志次次次次次次次次次次次次次次次次次
許善始人延以仁善見仁善善見仁善善見仁善善見仁善善見

錫山先哲叢刊第三輯
三十一

邵文莊公年譜

邑後學俞復敬署

中華民國十三年
十月次甲子
歲次甲子
中華書局
用聚珍倣
宋字排印

邵二泉先生年譜叙

余少侍於先君子時時爲言二泉先生之爲人也私心業不勝向往矣以長從邑中諸長者游聞其行事益悉退而詢諸人雖三尺孺子語及先生莫不知其爲篤行君子也先生何以得此哉凡人有所強有不可強文辭之績飾才辨之所及也事功之馳騁智術之所及也節概之矜厲意氣之所及也是可強者也四海之大百世之遠生平不識面目之人一旦耳其姓名輒心融神竦欣然願爲執鞭是不可強者也不可強之謂誠先生少而秉慤壯而不渝老而彌固又時講於學問以深持而厚發之視聽言動一切以不欺爲主屋漏猶是康衢猶是其於誠也幾矣宜其取信於人如此也先生所著有簡端錄學史容春堂集凡數萬言曷嘗無文辭敷

歷中外所在家尸而戶祝之曷嘗無事功闡瑾之橫一毫不假曷嘗無節概惟其一誠流注而三者之跡並爲所掩驟而求之不見可喜不見可愕徐而繹之深醇懇篤穆然其可思而悠然其無斲也視夫文辭事功節概而已焉者千里矣此所謂不可強者也友人高雲從雅好先生每相與譚說先生不勝疊疊會先生之從子僉及甥道成嘗編先生年譜雲從乞而得之大悅更加釐正梓而行之屬余爲序余也陋無能窺先生萬一往聞先生有言願爲真士夫不願爲假道學竊以爲善譜先生者無如斯言吾黨誠於斯言有猛省焉若何爲真若何爲假謹擇而趨務求不愧於先生迺爲能譜先生者也第曰先生篤行君子也羨慕而已矣卒不免歸於假而已矣此亦所謂可強者也奚譜之爲雲從曰善遂書而志

其端萬曆壬辰仲春望日同邑後學顧憲成謹題

二泉先生年譜後敘

攀龍既刪定先生年譜成作而歎曰不二者道不晦者心曠百世而通推四海而準乎今去先生六十年奇而觀先生之遺文攷先生之遺事如見其人焉而誠心質行使人感發興起而不能自己然則此譜存也世之人皆若生當先生而親炙之者矣先生之學研窮於六經博涉於羣書而所自得者大要見之簡端學史二書未嘗爲辨別異同之說而其學一出於正不少惑於異端似是之非未嘗爲矯絕成名之事而其行一由於矩不苟且於富貴功名之際凡先生所言所行皆世所謂固然而無奇正世所謂冥然失之而不自覺者也觀者可深察而自得之矣或曰以先生之德而

一〇
剗其嗣則降祥之天謂之何嗟乎二氣糅雜三代以下聖賢無純全之稟以孔子之聖焉而窮顏子之賢焉而天况其他乎先生之氣蓋獨嗇於是者矣然而無常者氣也有常者理也君子脩其在我而無庸心焉見其常不見無常也吾所謂常者何也觀其遺書考其遺事百世而下猶使人感發興起而不能自己者是也然則先生之爲後也大矣同邑後學高攀龍謹書

邵文莊公年譜引

公道德文章卓然名世明興以來爲錫邑縉紳稱首說者謂公豐於身嗇於其後似欲責報於天烏乎公生三歲而孤太夫人且育且教以至成人順志承顏八十年如一日君子以爲孝繇刺史歷宗伯官於朝三十餘年內處奸閹外遭藩逆侃侃大節曾不少動

君子以爲忠家居侍養優游林泉屏跡官府終日與二三子講論於二泉書院君子又以爲高夫然則身後之聲稱視彼不肖之子姓孰重孰輕必有間矣天之所以命公者不已厚歟士人瞻拜公祠每欲睹公歷履之全而無從也惟我先大父胥巖先生公之仲子壻嘗手掇公行事藏之家塾迄於今五十有七年道成於是因其歲月列以詩文敘次成編題其端曰年譜蓋將付諸梓人傳之於世使士人之瞻拜公者知所則倣於無窮也若乃道德之純文章之富具在國史典籍茲特其概云曾外孫閩江吳道成頓首百拜謹書

新書

章之書具在國史典辭茲特其應之會公終闔公是直如勉首百
 其類曰陳以祥文餘文淑誠願其誦曰平語蓋無材特材入勳之
 平語其平語公平畢雖文不應之於今正十有十年矣如故其因
 而詩拾遺公想歎之全而無出於外也上大父晉縣夫子公之仲
 叔傳重傳德公等聞之天下無以命公者公曰耳曩士六卿其公
 然二其書則其平又以爲高夫參聞其文公無窮其於不實之平
 數子以爲其家則其遺則其公卒其後官訓然曰與二三子無能

神道碑銘

楊一清撰

錫山有鉅公家食爲名士仕爲名臣要其終爲名儒曰邵公諱寶字國賢者予友西涯李文正公之門人也予以西涯故獲好於公久乃益習晚年予謝政公歸侍養鎮常郡相比歲時通問訊不絕然制於蹤跡不及見去年嘉靖丁亥予在朝忽得守臣報則公亡矣公世居無錫近慧山慧山傳稱天下第二泉也因號泉齋又曰二泉學者稱爲二泉先生文正公成化庚子主考南畿得公歸以詫於予曰吾得天下士舉甲辰進士知河南許能以禮讓爲國所舉動多風化中事作新廟學諭諸生義利公私之辨及忠孝大節聞者感動皆知慎其所自立次教之讀書爲文矩則許之文風蔚然改觀正穎考叔祠墓改魏文帝廟以祠漢愍帝祠范忠宣公於